



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

202. De eadem re.

urn:nbn:de:hbz:466:1-14622

290 REGINONIS LIB. II.
tione, si se uxoratus continere non vult, Deo
satisfaciat.

De eadem re. *Gregorius ad Augustinum.*

Apud Bedam
lib. 1. hist.
Angl. c. 27.
§. 6.

CCI. Necessè est ut etiam tertia vel quarta
generatio fidelium licenter sibi jungi debeat.
Nam à secunda quam prædiximus se omnino
debet abstinere.

De eadem re. *Ex epistola Rabani ad Regin-
baldum Chorepiscopum.*

CCII. De eo quòd interrogasti, si pater
& filius, vel si duo fratres, vel si avunculus &
nepos, cum una muliere fornicati sint, quid
inde faciendum sit, manifestum est quòd gra-
vi vindicta plectendum est quod grave facinus
esse reperitur. Omnis enim mœchia interdicti-
tur ubi scriptum est: *Non mœchaberis.* Quan-
to magis cum cognata vel cum conjugè seu
concubina cognati. Hinc in Levitico scriptum
est: *Si mœchatus fuerit quis cum uxore alterius,
morte moriantur & mœchus & adultera. Qui
dormierit cum noverca sua, vel cum nuru sua,
& qui filiam & matrem duxerit, & qui acce-
perit sororem suam, morte moriatur.* Si enim in
lege turpitudinem incestus mortis sententi-
vindicare iussit, quomodo in evangelio, ubi
summa justitia est, incestuosus pœnitenti-
peccati evadet? Unde Apostolus: *Irritam qui
fecerit legem Moysi, sine ulla miseratione sub
duobus vel tribus testibus moritur. Quanta ma-
gis putatis deteriora mereri supplicia qui filium
Dei conculcaverit, & sanguinem testamenti pol-
lutum duxerit, in quo sanctificatus est, & spiri-*

Levit. 20.

Hebr. 10.

tui gratia contumeliam fecerit? Igitur Theodor-
 us iudicavit eum qui incestum fecerit duode-
 cim annos pœnitere debere. Alij quindecim,
 alij decem, alij septem. Sed tu priscorum pa-
 trum vestigia sequens, his solis pœnitentiæ
 spatium temperes qui devotè & cum lacrymis
 pœnitentiam egerint. ceteri definitum tempus
 servent.

De illo qui servum se fecit. *Ex Concilio
 Triburiensi cap. XI.*

CCIII. Perlatum est ad sanctam syno- Burchard. lib.
 9. c. 75.
 dum quòd quidam ingenuus ingenuam acce-
 perit uxorem, & post filiorum procreationem,
 occasione divortij, cujusdam servum se fece-
 rit, utrum necessariò mulierem tenere debeat;
 & si tenuerit, utrum illa quoque secundùm se-
 cularem legem servituti subici debeat. Judica-
 tum est uxorem minimè debere dimitti, non
 tamen ob Christi legem mulierem in servitu-
 tem redigi, dum ille non ex consensu conjugis
 se servum fecit, quem liberum maritum acce-
 perat.

Item de incestis. *Ex eodem.*

CCIV. Item indicatum est quendam stu- Concil. Tri-
 bur. c. 44.
 Burchard. lib.
 17. c. 15.
 prasse quandam feminam, quam postea frater
 ejus accepit uxorem. Statuerunt eum qui stu-
 pravit, & à se stupratam fratri celavit, quia
 geminavit peccatum, pœnitentia districtiori
 castigandum; & conjugium tale dissolvi oport-
 ere, & mulieri quidem eis viventibus non fo-
 re potestatem nubendi, illis autem pro mise-
 ricordia conjugium indulgere.

T ij